

تاریخ وادستان

۱۳۳۶ هـ

مجله علمی

بودن ربيع عصر قدر مقدم سوريه دفتردار لغنده و بو عبد عاجزده طرابلس
شام تعاسبه چيلکنده ايکن واقع اولان بخابره اوراق نظر دقتی جلب ايتدی .
کچمش زمانلری در خاطر ايتدیرن شوايکی مکتوبی درج صحایف ایلدم .

صورت مکتوب

برکره حاصل اولان اخوت خالصه ده زوال تصور ایتک بعد الفروب
ارضک کونشه انجذابنی انکار ایتک اولور . هیچ نسل اولورکه یکنديکرینه
جبل متین اخوتله ارتباط ایتش ایکی قلب ارمسنده مفاصله وقوعبولسون
کورمک ، کورمامک غلط حسدن کنديسینی هیچ بروقتده قورتاره میان ظاهر
بینلره تأثیر ایدر . ارباب قلوب ایچون اوزاقلق یقینلق یوقدر . قلب کورمک
فعلنک منفیسینی بیلمز . چونکه قلب دائماً کوریر غائی ده کورر حاضریده کورر .
اندن طولای دکلیدرکه حضرت پیغمبر جناب الاهی قلب کوزیله کوره بیایدی .
لطفنامه کزی آلدیم . شو مقدمه جک لطفنامه کزک مطالعه سندن حاصل
اولان سرور وشکرانک درجه سنی ایضاحدن استغنا بخش اولور ظن ایدرم .
بر ایکی آی مقدم حمص و حما جهتارینه کیتمشیدم . طرابلسی کورمک
آرزو ایتدم . بر قوه معنویه بو آرزومی استحصالدن نی منع ایلیدی . نیک
طریقيله شامه دوندم . مکرسه حکمت و ارایمش . مادامکه شمیدی سزاوراده سکز .
بر حمص زیارتی ده لازم کلدی . بلکه ایلاک بهاره طوغری کورشمک نصیب
اولور . شام حقنده بر منظومه وار . کاشکی یا نمده اولسه ده بر صورتی کوندرسه
ایدم . باقی بقای اخوت افندم . ۱۵ تشرین ثانی ۳۱۰

عن بیروت سوریه دفترداری
رفت

جواب

عنایت کرمکاریلرینک محصول جهانقیمتی اولان لطفنامه سامیلری سایه
بخش فرق کترانهم اوله رق وجودمی برجهان سرور شکنه کتیردی .
فضل و کمال و شعر و انشای بی مثال ادیبانه لری ذاتاً مسلم کائنات اولتله
برابر بویله بالارتجال یازیلان بر مسرتنامه یه درج اولنان جواهر الفاظ و معانی ده کی
مرتبه کثرت ، باعث افلاس سرمایه متبحرین و قیمتشکن آثار ادبای اولین
و آخریندر . شایسته هزار تحسین و آفرین اولان بشارتنامه عالیلرینک بر
فقره سنده عیون مفخرتله کوردو کم ایلاک بهارده حمص قصبه سنی تکرار زیارت
ایلاک و طرابلس شامه تشریف بیورمق کی وعد نجات غایتک حقیه ادای
تشکرینه لایق تعبیر بولقدن عاجزم .

استیاق ملاقاتك عاجز لرینه عائد اولان جهتك تقدیر درجانی حقنده ایدیه بیله جگم مباحثات اسیر زلف دلارا اولان عاشقان دلریشانك نظرگاه انتباهنه عرضه شایان درس عبرت اولورجه سنه بر کتاب مستطاب اولور . ارتق اوامجرانك تفصیلاتنی روزفیروز ملاقاته تعلیق ایدلم .

انجق حصول مقصد مبعوثك تسهیلی یولنده شو وجهله ایراد تأمیناته مسارعت ایلرمله حص قصبه سنك بورایه برکونلك مسافه نی بولنسنه نظراً وعد وتبشیر عطفیلری وجهله ایلک بهارده حصه تشریف معالی ردیف مکارمکاریلرینی ایام معنیه دن برقاچ کون اول اخطاره عنایت بیورلدینی صورتده کوله لریده حصه شتاب ایدرك اورادن برلکده طرابلسه کلیرز .

ایلک بهارده شو حص زیارتی قولکنزکده اک برنجی تصور و آرزوی عاجزانهدن ایدی . دهها طوغریسنی عرض ایدیه بی قننی مأموریتی ایسترم مالیه نظارت جلیله سی اعطایه مهیا اولدینی حالده طرابلس شام محاسبه جیلکنه موافقت ماموکانهم بیله او آرزونك سائقه معنویه سیله حاصل اولش برکفیتدر . معلوم عالی حقایقدانیلری بیورلدوغنی اوزره توارخ جلاد اسلامیه نك قننی صحیفه سنه باقیایرسه معشر اسلام ارمسنده برخالد بن ولید کورباورکه بو ذات، صدرمشکاة بوندن (سیف الله الملول) لقب مبعجل لامعه پیراسنی اخذ ایله کامیاب اولش وشرف اسلام ایله مشرف اولدینی کوندن اعتباراً قدرت فاطردنك کندوسنه بخش ایلدیکی اقتدار فوق الغایه بی ماموضع لهنه صرف ایله فتوحاتدن فتوحاته آتلمشدر .

(مسیلة الکذاب) کبی برمتنبی بی دینی ، دهها نیجه یوز بیک ملحدین ومرتدینی النده کی سیف جلادته آزمدت ایچنده صحرای عدمه ایصال ایلدی . بونلردن بشقه بالعموم حرب میدانلرینك برقهрман غضنفرتمکینی وجهان شجاعتك برکوه آهنینی کسلدی . کندیس برسرمدار جهانگیر اولدینی حالده برنفر ومجرد کثرت فتوحاته نائلیتندن طولای غروره دوشامك ایچون پدران بر صورتده بعضاً دهها محقر ایدلش ایکن آمرلرینه اطاعتدن انصراف واعلاء کلمه الله مسلك جهانپسنددن ذره قدر انحراف ایتدی .

بن شهرته ، شانه خدمت ایتیمورم جناب حقه ووطنك ارتقا واعتناسنه خدمت ایدیورم دیهرک ینه مبارزین دینك صف اوانده قائم بولندی .

حقیقه او سیف اللهدرکه هربرمحاربهنك هربرکوننده یدجاستنده پاردلئان شمشیر آتشتاب لاهورینك عددی طقوزدن اشاغیبه نزل ایتدی .

شایان حیرتدرکه اولیث غیرمغلوب او آتشاره حمیت ، رفاقتده بولنان طوی برقاچ بیک عسکرله کسرای ایران وقیصر یونان کبی ایکی معظم دولتك اک

مکمل اک منتظم اردولرینی پیانی ضربۀ انہزامہ اوغراہدہرق طقوز سنہ ظرفندہ عراق مصر سوریه کردستان قطعہ وسیعہ لرینی نور دین مبین ایله منور ایلمک کبی خارقہ پیغمبر پسندانہ یہ مظهر اولدی . باشندن طرناغنه قدر وجودینک یوز طرفی یارہ لر ، برہ لک ایزلری ایچندہ مستور بولندینی حالہ هیچ بر اولومدن هیچ برتہلکہ دن یوز چویرمدیکی جہنلہ ارقہ طرفندہ هیچ بریارہ اثری یوقدی . وفاتی ائشادہ اطرافندہ بولانلرہ اگر اولمک امرالہی ایله اولسیدی بن شمدی یہ قدر بیکلرہ دفعہ لر اولشدم . متصدم مرتبہ اعلائی شہادتق احرازایدی . بوقدرچالش دینم حالہ موفق اولمدم . شمدی بویله سفیلانہ یاتاق ایچندہ اولیورم دیہ رک باشندک اوستندہ بیکلرہ یلدرملر بطلامش ایکن قورقیان آغلامیان او قهرمان الہی بویله بر مرتبہ نائل اولہ مدیغندن طولای آغلیہ آغلیہ اللہنہ تسلیم روح ایتدی .

ایشتہ بویله بر مجاہد بی نظیری زیارت و غبار مرقد پاکتی توتیای چشم مفخرت ایلمک نجہ اک جدی بر آرزو واک متدس بروظیفہ حکمندہ در . نہ غریب ، نہ کوزل تصادفدرکہ یکدیگرینک تصادم و تصورندن معلوما تلی اولدینی حالہ نامتناهی بر زمان وواسع بر جهان ایچندہ ایکی فکرک نقطہ انتخابی بر سرکزدہ بر موسدہ اجتماع ایدیور .

ہم جناب سیف اللہی زیارت ہم اوجای مبارکدہ ذات سامیلرلہ شرفیاب وصلت بو عبد مشتاق ایچون نہ بیوک دولت نہ لذتلی نعمت . ارتق (ایکی عمرک اولورمی احتمالی) [۱] یولندہ نطق آرای استفہام اولان ذات عالی قدرہ ، اوبہت .

(ایکی عمرک اولورمش احتمالی) دیہ جکم کلیور . حامل غنجه مقصود اولان اومبارک بہار ، کاشکی برخارقہ معجز کارانہ ایلہ ملی فصول ایدرک شمدی کلش اولسہ . ہیہات نہ تمنی محال .

تصدیی پک اوزاتدم ارتق سوزی کہ جکم . کسزدن اول حمصدن طرابلس شامہ تشریف عالیلری دعوت عبودیتکاریسنی شمدیدن ایفایہ مسارعت وبعض آثار چاکرانہ مک اهداسنہ مجاسرت ایدر . وشام جنت مشام حقندہ کی منظومہ دلفریبانہ لرینک بالشرف والاقبال مرکز فرمانفرمای عطوفیلرینہ عودت داورانہ لرندہ لطفاً ارسال واحساننی استرحام ایله تأبید اخوت ایلم .

۲۲ تشرین ثانی ۱۳۱۰ طرابلس شام محاسبہ جیسی

علی امیری

[۱] مصراع مشارالیه کدر اوست طرفی بودر

کلیری بردخی آغوشہ جانان

کوندرديکم ائاردن برعددی فاتح سلطان محمد خان حصار تليړنک (غلامه)
حفنده انشاد بيوردقلری غناک شو تخميسي ایدی .

فخر ايدر دنيايه استانبول يکښايي کورن
اول عايون تختکاه جنت آسايي کورن
برق اورن اول بلده نور مجلاي کورن
باغلامز فردوسه کوکايي قلاتاي کورن
سروی آکمز آنده اول سرو دلاراي کورن
نازينلر وارکه آنده هربري حور نعيم
مهربينلر وارکه آنده هربري دريتم
سير ايچون برکون کيدوب اولدم بک اوغلنده مقيم
برفرنکي شيوه لو عيسايي کوردم آنده کيم
لبلری ديريسيدر ديرايدي عيسايي کورن
عارفان ايچاب عرفان نيجه ضبط ايلسون
کورسون اول مپاره يي جان نيجه ضبط ايلسون
شوق طبعن ميل وجدان نيجه ضبط ايلسون
عقل وفهمن دين وایمان نيجه ضبط ايلسون
کافر اولورمي مسلمانلر اوترسايي کورن
حضرت سلطان محمد خان اوغل ذوالمن
اولدی فتح محتمله کامياب اول صفشکن
نشوه نصرتله يازدی بويله ذوق آور سخن
کوثری آکمز اول ايچديکي مي نايي ايچن
مسجده وارسر او واردوغی کليسي کورن
آل عثمانه مبارک ايلسون لطف خدا
ای (امیری) بويله شهرى بويله ملکی دائما
آنده اولدم برت فتانه بنده مبتلا
برفرنکي دابر اولدوغن بيلوردی (عونیا)
بيله زناريني بويننده چليپاي کورن

